
ХИТОЙНИНГ “САС ENGINEERING” КОМПАНИЯСИ ФАРҶОНА ВИЛОЯТИДА ҚАТОР ЙИРИК ИНВЕСТИЦИОН ЛОЙИХАЛАРНИ АМАЛГА ОШИРИШГА КИРИШАДИ

Вилоят ҳоқими Хайрулло Бозоров Хитойнинг “САС Engineering” компанияси вице-президенти Лю Шэнчэн бошчилигидаги компания вакиллари қбул қилди.

Учрашувда Хитой компанияси иштирокида ФарҶона вилоятида қуёш фотоэлектр станцияси қуриш, “Кампиробод” сув омборидан ФарҶона шаҳрига тоза ичимлик суви тортиш, ижтимоий объектлар, шу жумладан, мактаблар ва тиббиёт муассасаларини лойиҳалаш, қуриш ёки капитал реконструкция қилиш, Экошаҳар ҳудудида 25 қаватли турар-жой мажмуалари барпо этиш лойиҳалари муҳокама қилинди.

Ушбу учрашув вилоят ҳоқими бошчилигидаги ФарҶона вилояти делегациясининг яқинда Хитойга бўлган амалий ташрифи давомида “САС Engineering” компаниясини ўз таркибига олувчи Хитой миллий машинасозлик саноати корпорацияси – SINOMACH раҳбарияти билан ўтказилган самарали музокараларнинг давоми бўлди.

Ўзбекистон сўнгги йиллардаги ислохотлар натижасида жадал иқтисодий ривожланиб бораётгани хорижий сармоядорлар, хусусан, Хитой сармоядорлари учун катта инвестицион жозибадорлик касб этаётганини қайд этган Лю Шэнчэн, компания Ўзбекистон ҳудудлари орасида ФарҶона вилоятида асосий лойиҳаларини амалга оширишни кўзда тутаётганини маълум қилди.

Компания томонидан Бешариқ туманида барпо этиш режалаштирилаётган 500 мВт қувватли, лойиҳа қиймати 300 млн. доллар бўлган қуёш фотоэлектр станцияси бўйича ўз фикрларини билдирган вилоят ҳоқими Хайрулло Бозоров, тунги электр таъминотида камайиш бўлмаслигини олдини олиш мақсадида бундай лойиҳалар энергия сақлаш батарея станциясини ҳам ўз ичига олиши лозимлигини қайд этди. Бу борада лойиҳага мавжуд инновацион Хитой тажрибаларини татбиқ этиш имкониятлари ҳам ўрганиб чиқиладиган бўлди.

“Кампиробод” сув омборидан ФарҶона шаҳрига тоза ичимлик суви тортиш лойиҳасини амалга ошириш бўйича ҳам амалий ишларга кирилиши белгилаб олинди, бу мақсадда ташкил этилган қўшма ишчи гуруҳ лойиҳанинг техник-иқтисодий асосларини ишлаб чиқади.

Вилоятда қуриш ёки капитал реконструкция қилиш лозим бўлган ижтимоий объектлар, шу жумладан, мактаблар ва тиббиёт муассасалари бўйича икки ой ичида якуний ҳисобот тайёрланиши ва бу борадаги хорижий кредит ҳисобига амалга ошириладиган лойиҳа бўйича ҳамкорликнинг навбатдаги босқичига ўтилишига келишиб олинди.

“Кампиробод” сув омборидан ФарҶона шаҳрига тоза ичимлик суви тортиш ҳамда ижтимоий объектларни лойиҳалаш, қуриш ёки капитал реконструкция қилиш лойиҳаларига САС Engineering воситаси билан Хитой ЭКСИМБАНКИНИНГ узоқ муддатли ва арзон фоизли кредит линияларини жалб қилиш юзасидан иш олиб борилмоқда.

Келгуси ой бошларида Хитой ЭКСИМБАНК раҳбарининг мамлакатимизга ташрифи давомида вилоят ҳоқими Хайрулло Бозоровнинг ЭКСИМБАНК раҳбари билан бу лойиҳаларни молиялаштириш шартлари бўйича муҳокама учрашуви ўтказилиши белгилаб олинди.

Тошкентда Олимпия шаҳарчаси лойиҳасини амалга ошираётган “САС Engineering” компанияси томонидан ФарҶона шаҳрида барпо этилаётган Экошаҳар ҳудудида 25 қаватли турар-жойлар мажмуасини барпо этиш лойиҳаларига ҳам киришиладиган бўлди.

Ўз архитектура компаниясида 3500 нафардан зиёд меъморларни жамлаган “САС Engineering” ҳозирги кунда Тошкент Янги шаҳар концептуал бош режасини ишлаб чиқишга ҳам киришаётганини билдирган Лю Шэнчэн, ФарҶона вилоятида ҳам бундай лойиҳаларни амалга оширишга тайёр эканликларини билдирди. Қўқон шаҳрида барпо этиладиган янги шаҳарча лойиҳасида бу борада ҳамкорлик истиқболлари муҳокама қилинди.

Учрашувда вилоят ҳоқимининг ўринбосари Иқболжон Эргашев иштирок этди.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2023-09-24 15:16:34